



Inviern 2022/23

La Chamonna Tuoi es serrada per motivs da sgürezza

Pro'l Piz Buin Pitschen (vart da l'ost) sun in movimaint quasi ün milliun meters cubic da grippa. La probabiltà chi crouda ün volumen plü grond infra ils prossems tschinch ons es gronda. La Chamonna Tuoi dal Club Alpin Svizzer CAS es periclitada causa l'uonda da pressiu chi'd es da spettar in quist connex. Dürant l'inviern es il privel specialmaing grond.

Il cumün da Scuol ha valütà la situaziun da privel ed examinà eir pussibiltats da survaglianza. In seguit ha'l decis – davo avair consultà eir l'Uffizi chantunal da god e privels da la natüra (Amt für Wald und Naturgefahren AWN) – d'ordinar la serrada da la Chamonna Tuoi.

Purtret a dretta:

La Chamonna Tuoi cul Piz Buin Grond (center) e'l Piz Buin Pitschen (a schnestra)

Fotografia © Cristiana Fliri-Feuerstein




Purtret a schnestra:

Masüraziuns da la sveltesza a la surfatscha dal Piz Buin Pitschen

gelg/orandsch = 0.5 cm al di

cotschen = 1 cm al di

Funtana: WSL Institut per la perscrutaziun da la naiv e da las lavinas (SLF)



Davart la gestiun da stà decidan las personas responsablas in avrigl dal 2023. I voul ulteriuras examinaziuns per valütar la situaziun da privel pella stà.

Gitas culs skis / da muntogna aint il territori Buin – Fuorcla Buin – Buin Pitschen – Cronsel

Il CAS ha publichà ün avertimaint pellas gitas culs skis e da muntogna aint il territori. El scussaglia dad ir süllas rutas aint in quist territori resp. avertischa dal privel. L'avertimaint a regard la situaziun vain actualisà regularmaing sül portal da gitas dal CAS (vair code QR).

